



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput VI. Spei præceptum ac necessitas.

[urn:nbn:de:hbz:466:1-73203](#)

CAPUT IV.

Spei Christiana certitudo absque salutis securitate.

39 *S*pes Christiana salutem aeternam certa expectat cum fiducia, ut ex ipsis definitio nesse constat; & ideo Apostolus Hebr. 6. ipsam vocat *anchoram animae tutam & firmam*. Et Rom. 5. dicit quod *spes non confundit*. Et David Psalm. 21. *In te speraverunt patres nostri: speraverunt, & non sunt confusi.*

40 Fundamentum istius certitudinis est non solum certitudo soliditasque rei speratae, sed & misericordia & auxiliatrix Dei omnipotencia, & fidelitas ipsius in promissis servandis, de qua Psalm. 145. *Fidelis Dominus in omnibus verbis suis*, quibus salutem pollicitus est perseverantibus usque in finem in observantia mandatorum ipsius, Matth. 24.

41 Certitudo tamen ista non praestat omnimodam salutis securitatem. Quia non est absoluta, sed conditionata, si in mandatorum custodia perseveraverimus. Et ideo firma quidem esse debet anchora spei nostrae, sed non absque morbo aliquo timoris; cum scriptum sit: *Qui stat, videat ne cadat*. Et, *Cum metu & tremore salutem vestram operamini*. Propter quod Apostolus, adhuc post raptum suum usque ad tertium celum: *Castigo (inquit) corpus meum, & in servitatem redigo, ne forte, etiam aliis pradicavero, ipse reprobus efficiar*. Ut enim Tridentinum sess. 6. cap. 13. Justi formidare debent, scientes quod in spem gloriae, & nondum in gloriam vocati sunt, de pugna qua supereris cum carne, cum mundo, cum diabolo, in qua victores esse non possunt, nisi cum Dei gratia. Apostolo obtemperaverint dicenti: *Debitores sumus, non carni, ut secundum carnem vivamus: si enim secundum carnem vixeritis, moriemini; si autem spiritu facta carnis mortificaveritis (in laboribus, in vigiliis, in eleemosynis, in orationibus, & oblationibus, in jejuniis, & castitate, ut ante dixit) vivetis*.

42 Certitudo itaque spei Christianae omnimodam non tribuit salutis securitatem (uti communiscuntur haeretici) nec proinde cordiae occasionem. Neque enim Christianis Deus absolute promisit salutem, sed sub dicta conditione. De qua à se adimplenda nemo, citra Dei revelationem, omnimodam habere potest certitudinem. Quia licet Christianus, saltem justus, diffidere non debet de auxilio Dei, diffidere debet de se ipso, timereque de defectu liberi arbitrii, ponentis obseculum peccati, ait S. Thomas hic q. 18. a. 4. ad 3.

CAPUT V.

Spes Christiana nec in hereticis, nec in damnatis, nec in beatis reperiatur; bene in animabus Purgatorii, & Catholicis viatoriis, etiam impis.

Non in haereticis: quia sine fide, nec spes, nec charitas subsistit. Spes proinde quam sibi haereticus videtur habere, humana est, & naturalis; non divina, & supernaturalis.

Non etiam in damnatis: quia cum certissimi sint de aeternitate suae damnationis, salutem apprehendere non possunt ut futuram, immo nec ut possibilem, stante irreversibili decreto aeterna suae damnationis.

Neque in beatis, respectu gloriae essentiales. Quia non est ipsis futura, sed praesens; & ideo Apostolus Rom. 8. dicit, quod *spes qua visiter non est spes*. Nec in beatis spes est respectu accidentalis gloriae corporis: quia licet ipsis futura sit, ipsis tamen non est difficulter adipiscibilis, seu ardua. Et ideo sicut fides, sic & spes in patria evanescunt, tam quoad habitum, quam quoad actum.

In animabus vero Purgatorii spes ideo manet, quia non evanescunt per securitatem quam habent de gloria in futurum adipiscenda: eò quod eam adepturi non sint, nisi cum arduitate, mediante utique satisfactio ne, quam divinas debent justitiae.

Spem denique in Catholicis, etiam impius, reperiiri (dummodo eam non amiserit per peccatum desperationis, vel presumptuosis) probatur ex eo, quod quilibet mortali peccato spes non amittatur: cum peccatum quilibet mortale ei non opponatur. Unde spes à Concilio Tridentino sess. 6. c. 6. requiritur tamquam dispositio ad justificationem peccatoris.

CAPUT VI.

Spei praeceptum ac necessitas.

SPei, uti fidei, & charitatis, saltem imperfectae, actus necessitate medii necessarius est ad justificationem impii. Quia Tridentinum sess. 6. c. 6. inter actus absolutè necessarios ad justificationem impii, non fideli dumtaxat & charitatis (seu inchoati falem amoris Dei tamquam fontis omnis justitiae) sed & spesi actum recenset; non proinde sicut divinae justitiae timorem, quem solùm recenset velut utilem, quo utiliter continentur.

Præterea spesi actus quibusvis hominibus ratione utentibus necessarius est necessitate specialis de ea præcepti, de quo constat ex variis Scripturæ testimoniosis, quibus in Deo sperare jubemur. Unde Alexander VII. fe-

sequentem meritò damnavit propositionem:
Homo nullo unquam vita sua tempore tenetur eli-
cere actus fidei, spes, & charitatis, ex ut prae-
ceptorum ad eas virtutes pertinetum.

50 Si queras tempus, quo spei actus ex spe-
ciali præcepto elicendus est?

Respondeo 1º. Sicut Christiatus morali
quodam modo semper ex fide vivere deber,
non solum habitualiter, sed aliquo modo
virtualiter (quia semper debet esse justus:
Justus autem ex fide vivit; non profecto ex
fide otiosa, sed actuosa, cum vivere sit age-
re) ita morali quodam modo semper vive-
re debet ex spe & charitate; per fidemque,
spem & charitatem divinæ Majestati con-
tinuò moraliter adhærente, prout Facultas
Theologica Lovaniensis tradit in articulis
Innocentio XI. per Deputatos suos anno
1677. oblatis, in quibus post maturum ex-
amen nihil censurâ dignum Romana Inquisi-
tio inventit. Enimvero Osee 12. dicitur:
Spera in Deo tuo semper. Cumque semper
vivere debamus ex Christo, sicut palmes
ex vite; semper à nobis sperandus est Christi
per gratiam influxus: utpote quo semper
& in omnibus deliberaatis acibus nostris indi-
genuis, & pro quo semper orare jubemur.
Luc. 18. *Oportet semper orare, & nunquam des-
cire.* Quod enim tempus intervenit (ait cum
Zozimo, Prædecessore suo, Coelestinus Papa
in epist. ad quosdam Galliarum Episcopos c. 9.)
quo ejus non egeamus auxilio? In omnibus ig-
nitis afflictionibus, causisque, cogitationibus, motibus,
adjuvator, & protector orandus es, &c. Oratio
vero cum fide & spe fieri debet.

51 Respondeo 2º. spei actus specialius exer-
cendum in circumstantiis sequentibus. 1º.
dum peccator est justificandus. Quia tunc
in spem erigi debet, fidens Deum sibi pro-
pitium fore per Christum (ut ait Tridentinum
loco citato) utpote quem proposuit
Deus propitiationem per fidem in sanguine ipsius.
Rom. 3. Per fidem (inquam) quæ sibi
coniunctam habeat spem, seu fiduciam pro-
pitiationis per Christum, ut loquitur Tri-
dentinus.

52 2º. in gravioribus tentationibus, in qui-
bus galea salutis capiti imponenda est, ut
de solo Salvatore speremus salutem. Simili-
liter in gravioribus tribulationibus, in qui-
bus imbecillitas nostra spe futuron bonorum
adjuvanda est. Maximè cum utroque illo casu speciali per Christum indigeamus
auxilio; de quo adipiscendo in spem
erigi nos oportet.

53 3º. specialissimè dum periclitamur in
tentationibus de virtutis spei oppositis, præ-
fertim de desperatione & pusillanimitate.
Tunc enim erigendus est animus, cum Regio
Psalte dicendo: *Quare tristis es anima
mea, & quare conturbas me? Spera in Deo,
quoniam adhuc confitebor illi, salutare vultus
mei, & Deus meus.*

54 4º. quoties Sacraenta suscipimus: ut-

pote quæ canales sunt promissæ nobis gra-
tiae, pignoraque salutis nostra.

55 & frequentissimè in vita, seu tam frequen-
ter renovanda est spes actualis, ut morali
quodam modo dici queat, nos vivere in spe
filiorum Dei, sive in fide per spem & di-
lectionem operante. Semper namque ten-
dere nos oportet in ultimum finem no-
strum, illumque desiderare, & expectare,
habitando in adjutorio Altissimi, in Deique
protectione commorando.

C A P U T VII.

*Contra spem peccatur excessu, per presumpcio-
nem; defectu, per desperationem; sed lon-
ge frequentius per illam, quam per istam.*

56 C Ontra spem peccatur commissione,
per presumptionem desperationem;
& per ista peccata spes amittitur. Pecc-
atur etiam omissione actus spei, dum ca-
dit sub præcepto; sed sicut per solam o-
missionem actus fidei non amittitur fides;
per solam etiam omissionem actus spei non
amittitur spes.

57 Desperatio est voluntaria animi dejectio,
per quam abjecit spes obtinendæ venia
peccatorum, ob nimiam eorum magnitudinem,
vel multitudinem, vel existimatam
ea vitandi impossibilitatem; vel abjecit
spes adipiscendæ beatitudinis, ob appre-
hensionem nimiam difficultatem vel impossi-
bilitatem mediorum ad id necessariorum;
& ideo abjecit voluntas necessaria illa
missionem; sive ad salutem.

58 Proinde desperatione non solum importat pri-
uationem spes, sed importat quemdam recessum
à re desiderata, propter existimatam impossibili-
tatem adipiscendi. S. Thomas 1. 2. q. 40.
a. 4. ad 3. & in corp. Ita tamen existi-
matio, vel apprehensio aut judicium non
est formaliter ipsa desperatione, sed inducit
ad desperationem. Quæ licet non sit pec-
catorum omnium gravissimum, omnium ta-
men est periculosisimum, prout idem S.
Doctor ostendit 2. 2. q. 20. a. 3. Tametsi
enim infidelitas & odium Dei, respectivè
ad desperationem, secundum se; id est se-
cundum speciem propriam, graviora sint; si
tamen comparetur desperatione ad ista alia duo
peccata ex parte nostra, sic desperatione est per-
iculosis. Quia per spem revocamus a maiis, &
inducimus ad bona prosequenda. Et ideo sub-
latâ spe, irrefrancie homines labuntur in vi-
ta, & a bonis operibus retrahentur. Unde su-
per illud Prov. 24. "Si desperaverit lapsus"
in die angustiarum, minuetur fortitudo sua, "
dicu Glosa: "Nihil est excrabilius depe-
ratione, quam qui habet, & in generalibus "
hujus vitae laboribus, & (quod pejus est) "
in fidei certamine, constantiam perdit."